

स्कृ॒धि । घृ॒तं घृ॒तयो॒ने पि॒ब प्र-प्र य॒ज्ञप॒तिं ति॒र स्वा॒हेति त॒देते॒नैवैत॒स्यां दि॒वि
 प्र॒तिष्ठा॒यां प्र॒ति॒तिष्ठ॒त्येते॒नैतं लो॒क॒ऽ स्पृ॒णुते य॒देत॒या जु॒होति ॥ १५ ॥ य॒देव॒ वैष्ण॒-
 व्य॒र्चा जु॒होति । क॒नीया॒ऽसं वा॒ऽए॒नमे॒तद्व॒धात्कृ॒त्वात्य॒नैषु स्तो॒कमे॒व स्तो॒को ह्य॒-
 तु॒स्तमे॒तद॒भयं प्रा॒प्य य॒ ए॒वैष तं॒ करो॒ति य॒ज्ञमे॒व य॒ज्ञो हि वि॒ष्णुस्त॒स्माद्वि॒ष्णुर्व्य॒र्चा
 जु॒होति ॥ १६ ॥ अ॒थासा॒द्य स्रु॒चः । अ॒प उप॒स्पृश्य॒ राजा॑नं प्र॒पाद॑यति तद्य॒दासा॒द्य
 स्रु॒चोऽप॒ उप॒स्पृश्य॒ राजा॑नं प्र॒पाद॑यति व॒ज्रो वा॒ऽआ॒ज्य॒ऽ रेतः॒ सोमो॑ ने॒द्वज्रे॒णा॒ज्ये-
 न॒ रेतः॒ सोम॑ऽ हि॒न॒सानो॒ति त॒स्मादा॒साद्य॒ स्रु॒चोऽप॒ उप॒स्पृश्य॒ राजा॑नं प्र॒पाद॑यति
 ॥ १७ ॥ स द॒क्षिण॑स्य ह॒विर्धान॑स्य नी॒डे कृ॒त्वाजि॒नमा॒स्तृणा॑ति । त॒देन॑मा॒साद॑यति
 दे॒व स॒वित॑रेष॒ ते सो॒मस्त॒ऽ रक्ष॑स्व मा॒ त्वा द॒भन्नि॒ति त॒देनं॑ दे॒वयै॒व स॒वित्रे प॒-
 रि॒ददा॑ति गु॒प्त्यै ॥ १८ ॥ अ॒थानु॑सृ॒ज्योप॑तिष्ठते । ए॒तत्त्वं दे॒व सोम॑ दे॒वो दे॒वांश्॑ऽउ॒-
 पा॒गा इ॒दम॑हं म॒नुष्या॑न्स॒ह रा॒यस्यो॒षेणे॒त्यग्नी॒षोमौ वा॒ऽए॒तम॑न्त॒र्जम्भ॑ऽआ॒दधा॑ते यो
 दी॒क्षत॑ऽआ॒ग्नवि॒ष्णव॑ऽ ह्य॒दो दी॒क्षणी॒य॒ऽ ह॒विर्भ॒वति यो वै वि॒ष्णुः सो॒मः स ह॒वि-
 र्वा॒ऽएष॒ दे॒वानां॑ भ॒वति यो दी॒क्षते॑ त॒देन॑म॒न्तर्ज॑म्भ॑ऽआ॒दधा॑ते त॒त्प्रत्य॑क्ष॒ऽ सोमा॒-
 निर्मु॑च्यते यदा॒हैतत्त्वं॑ दे॒व सोम॑ दे॒वो दे॒वांश्॑ऽउ॒पा॒गा इ॒दम॑हं म॒नुष्या॑न्स॒ह रा॒य-
 स्यो॒षेणे॒ति भू॒मा वै रा॒यस्यो॒षः सह॒ भूमे॒त्यैवैत॑दाह ॥ १९ ॥ अ॒थोप॑निष्क्रामति ।
 स्वा॒हा निर्व॑रुणस्य पा॒शान्मु॒च्य॑ऽइति वरु॒णपा॒शे वा॒ऽएषो॑ऽन्तर्भ॒वति योऽन्य॑स्या-
 संस्त॒त्प्रत्य॑क्षं वरु॒णपा॒शान्नि॑मुच्यते यदा॒ह स्वा॒हा निर्व॑रुणस्य पा॒शान्मु॒च्य॑ऽइति
 ॥ २० ॥ अथे॒त्याह॑वनी॒ये स॒मिध॑मभ्या॒दधा॑ति । अ॒ग्ने व्र॑तपास्त्वे॒ व्रत॑पा इत्यग्नि॒र्हि
 दे॒वानां॑ व्र॒तप॑तिस्त॒स्मादा॒ह॒ग्ने व्र॑तपास्त्वे॒ व्रत॑पा इति या त॒व त॒नूर्म॑य्यभू॒देषा॑ सा
 त्व॒यि यो म॒म त॒नूस्त्व॑य्यभू॒दिय॑ऽ सा म॒यि । यथा॑यथं नौ व्र॒तप॑ते व्र॒तान्य॑नु मे दी॒-
 क्षां दी॒क्षा॒पति॑र॒म॒स्तानु॑ त॒पस्त॑पस्पतिरिति त॒त्प्रत्य॑क्षम॒ग्नेर्नि॑मुच्यते स स्वे॒न स॒-
 ता॒त्मना॑ य॒जते त॒स्माद॑स्या॒त्राश्र॑न्ति मा॒नुषो॑ हि भ॒वति त॒स्माद॑स्या॒त्र ना॒म गृ॑ह्णन्ति